

華東史地文獻 第四十四卷

中國華東文獻叢書



中國華東文獻叢書·第三輯

華東史地文獻

第四十四卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：丁鳳麟 方寶川 史梅 李西寧

徐曉軍 黃顯功 傅德華

本卷目錄

岱覽 二	〔清〕唐仲冕撰		〇〇三
東原考古錄	〔清〕蔣作錦撰		三一九
山東鹽法續增備考	〔清〕恩錫等輯		三三九

【清】唐仲冕撰

岱

覽

二

〔清〕《岱覽三十二卷首編七卷附錄一卷》。清唐仲冕撰，嘉慶十二年（公元一八〇七年）果克山房刻本。白口，單魚尾，雙欄。半葉十行，行二十二、二十三字。書口下方題有『果克山房』。

唐仲冕，字雲枳，號陶山居士，世稱唐陶山，生於乾隆十八年（公元一七五三年），卒於道光七年（公元一八二七年），原籍湖南善化（今湖南省長沙市），後客居山東肥城（今山東省肥城市）。清代著名泰山學者，時任泰山書院院長。是書卷前有吳錫麟、英和序文，卷後有許桂林跋文。

岱覽卷第十三

泰山書院院長陶山唐仲冕六幕輯

分覽二

岱陽下

岱嶽鎮卽泰安府城也宋開寶時始遷治就嶽廟金大定時
創此城語詳總覽之一城在明嘉靖時始爲石塘周七里奇
凡四門東曰靜封今名迎暄西曰望封今名嶽晏南曰乾
封今名泰安北曰登封今名仰聖岱廟在治乾方舊登封門
內別爲總覽三矣岱廟東南爲真福寺唐開元時創建後唐
釋智順後晉志隆相繼增修爲齊時海巖重建改名崇法金
分覽二

岱覽卷第十三

岱陽下

果克山房

邑人党文獻懷英斷碑云舊爲嶽祠奧區釋迦佛像主伴凡
五位並遷置於賜書閣之廢基有鄉老趙璠以正殿曠久始
就緒重新之其曰賜書閣則藏歷代勅牒及御書經文典誥
處今悉湮沒矣又東南爲關帝廟故會真宮也卽古奉高宮
攷宋史眞宗東封齊於奉高宮之穆清殿享昊天上帝於山
上圖臺慶雲繞壇月有黃輝禪祭皇地祇於社首天宇澄霽
紫氣蒙壇法駕還奉高宮日重輪五色雲見鼓吹振作觀者
塞路謹呼動天地詔以奉高宮爲會真宮以燕羣臣父老宮
有玉皇殿成化十八年重修任式記云宮創建不可攷觀宋
祥符間有頌二聖功德碑在宮南百步許朝觀碑在宮南里

許傳者謂眞宗封泰山駐蹕於此金大定間徙奉符縣爲泰
安州故宮居州城之翼隅興替靡常所存者僅玉皇殿三閭
壩基卑下上遣中使進香帛於方嶽行瞻是祠從衆望并以
嶽頂眞祠上聞欲更新之上可其奏卽下命所司時歲在
庚子也辛丑昭眞觀旣作壬寅玉皇殿告成泰山徂來相映
前後奇花吐而玉座芬芳白雲飛而瑤壇空靜亦一時鼎新
矣萬歷二十二年八月七日燬於火後改祠關帝爲今武廟
內附張仙祠張仙者不知何許人開元中與李某同至泰山
學道久之李辭歸仕至大理丞屬安祿山亂攜家襄陽尋奉
使揚州途觀張邀同宿門庭壯麗儼從璀璨李視女妓中有
分覽二

岱覽卷第十三

岱陽下

果克山房

持筆者酷似其妻及罷張呼持筆者以林檎繫裙帶上各散
去明日李復至門館茂穢無人跡詢鄰人曰此劉道元宅已
十餘年無居者尋還襄陽索其妻裙帶果得林檎問其故云
一夕夢五六人追云張仙喚擗箏臨別以林檎繫裙上於是
知張已得仙矣南爲魯兩先生祠祠孫明復石守道兩賢初
金大定十九年建祠於嶽廟大門之左後爲廟所併元改建
嶽麓後廢爲寺明初附祠州學成化二十三年州牧胡瑄言
於巡撫而請於朝得禮部議建此祠每歲仲春祀以羊一豕
一秩爲常典復選二氏裔孫入學充弟子員奉祠天啟元年
州牧侯應瑜

國朝順治十年學道施閭章皆重修今名二賢祠西北爲和聖祠明萬歷四十五年侯應瑜建

國朝順治三年少參畢振姬乾隆十九年縣令馮光宿重修二祠有司皆以春秋致祭而和聖祠敝漏與潔不能任奠獻亦守土者之過也和聖柳下惠邑境有柳里郎又有柳下李龔因祠岱廟西北爲長春觀元初州牧張郁建金鄉女冠嘗守慎祠法於燕京長春國師後修真於此賜號妙真長春國師者邱處機也今圯城中祠宇林立之數者重關岱故故詳唐李白詩刻泰山吟六首送范山人歸泰山詩一首。岱史云碑四面皆古篆在會真宮內後與宮俱災

分覽二

岱覽卷第十三

岱陽下

三

果克山房

後唐冥福院地土牒碑文曰勅中書門下宣賜冥福禪院產業地土。第一段在岳廟東其地南至街北至馬司徒東至姜二郎李子蘭爲隔東南至槐樹東北至張中舍。第二段西斛市近北街東面東北北至十二郎北至十二郎南至官省房西至街。第三段清酒務西南至街西南至靈派侯廟西至漆河岸北至路東北至二至街東至酒務界牆內有霍二口郎王廟令臨街有稅地相至霍二郎宅南至本院地東至大鄆州街南自西至小鄆州街。第四段寨西門裏有街南裏角地一闕。第五段大寨內有地藏院所居地基并拐子地計三畝捌分參釐

參毫并係冥福禪院地基。第六段大寨裏本院東菜園一座計地玖畝大。第七段寨城東東北路菜園一座計地三畝大路南拐子地一角計地壹畝大東至翟家南至道西至成家北至南宮地。第八段本院莊上菜園一座計地五畝大四面自至。第九段宣賜冥福禪院稅戶口在昭亭亭東有莊計地壹拾貳頃大東至沙河南至張中舍西至王官人北至成三郎內有短頭地身在北邊西北角東北角至韓五郎趙二伯莊南一段肆拾肆畝大東至張八郎南自西至張二郎北自至雍家莊後有地一段南至張教書西至古道北至東北角二自至。第十段泰

分覽二

岱覽卷第十三

岱陽下

四

果克山房

山下本院所止地基南北長陸拾叁步闊伍拾陸步陸分及殿後拐子地東西長肆拾壹步口分闊伍步陸分約地壹拾伍畝大並係賜到院地基。右付冥福禪院准此長興四年九月二十三日月上鈐蓋印一樞密使檢校太傅平章事駙馬都尉趙有押蓋印樞密使檢校太傅平章事范有押蓋印樞密使檢校太傅平章事范有印三蓋郵簡也中書門下牒冥福禪院印二印文曰中書門下之印即通行大篆文賜紫法僧實相主僧智順監院從幽○右碑在冥福寺正殿西墀下南向高五尺二寸廣二尺八寸碑凡上下兩層此牒在其上層額曰特賜冥福禪院

地土之記眞書字徑二寸牒文共二十二行眞行大小相
開勅中書門下行書宣賜眞福禪院產業地土眞書字皆
徑一寸地十段字十四行眞書字徑五分右付眞福禪院
准此長興四年九月二十三日一行眞書字徑六分銜姓
三行眞書字徑一寸中書門下牒行書眞福禪院眞書皆
字徑一寸印徑二寸賜紫以下皆眞書字徑五分牒中樞
密使趙爲趙延壽范爲范延光金石文字記云二人無押
蓋爲印文所亂視未審耳金石文跋尾云長興牒趙范兩
銜字大於首行范銜樞密字高二格者延光先入樞密故
也牒外之封識獨以班首一人列銜當時文書之式畧可
分覽二

岱覽卷第十三

岱陽下

五

果克山房

見矣方是時馮道李愚劉昫官同中書門下平章事乃眞
宰相之職延光延壽特以樞密使加平章事耳此牒出於
中書門下而押行者惟范趙二人道等皆不與蓋五代之
際政由樞密其居相位者無過頑鈍伴食之流朝政不由
己出雖尋常文書亦不復關白名爲宰相實同庶僚李愚
所謂吾君延訪鮮及吾輩者是也五代史范延光傳遼史
趙延壽傳俱不云爲檢校太傅平章事畧之也牒署九月
二十三日又明日延壽罷樞密至十月延光亦去二人方
握政柄故懼家難之作而乞出鎮以避之如馮道輩雖在
政府絕不奉行文書何避之有然千載而下非見此牒烏

能知當時情事石刻之有裨於知人論世如此下層爲偽
齊時奉符縣給崇法院僧海巖公據其時眞福已易名崇
法矣然至今猶稱眞福院泰山金石攷云是碑當爲阜昌
時僧海巖摸勒公據因取長興牒勒之上方也公據別錄
於後

後登金剛經幢。右石幢在眞福寺天王殿東南向高六
尺餘座埋土中幢上下兩段各八面面闊六寸五分字各
九行眞書下段卻是經首周環讀之猶未盡也一刻金剛
經題天福二年三月姓氏殘闕一刻婆羅門僧云云題天
福六年歲次辛丑正月辛酉朔二十五日乙酉檢校太保
分覽二

岱覽卷第十三

岱陽下

六

果克山房

使持節密州諸軍事行密州刺史兼御史大夫上柱國清
河郡開國侯缺反在上段蓋因舊幢斷仆後復攢整致倒
置耳

青州臨淄縣口生幢。右幢眞書在眞福寺天王殿西文
甚殘缺有天福七年等字

眞福禪院新寫藏經碑文曰東嶽眞福禪院新寫藏經之
碑。朝議大夫行殿中侍御史柱國周元休撰。述夫元
黃判而清濁分三才敘而萬彙育散乎元素簡易之體猶
存降口中庸澆口之風益扇雖羣分類聚上智下愚靡不
惡其死而愛其生口其得而口乎喪緇維盤古爰及當今

咸欲致身于常樂之鄉立名于無疆之域而嗜慾室性好
 尚由心□苦海而□迴蹈迷途而繼踵竟致惡而必得愛
 而必忘浩浩洋洋猶百川之滔滔過者莫可得而言也至
 於用慈儉□□體沖虛而為質焉□□鸞之侶俯仰八
 紘淪□御氣之流逍遙六合或丹邱暫別或羽化俄歸亦
 不能忘情於生死之源絕跡于□夷之境降茲以往何足
 道哉洎乎西域誕靈耀列星而應瑞漢廷入夢挺金質以
 呈祥法被寰中□超象外遠究天人之際廣開方便之門
 現無生而不死之□□有相□無形之域修正真之□□
 □□能□□□□之至明閭室皆曉觸類斯長無幽不通

分覽二

俗覽卷第十三

岱陽下

七

果克山房

元化普洽而不窮虛谷有聲而必應□矣哉總萬法而為
 方即絕跡出塵無如佛者夫□道也大慈廣運宏濟無方
 闢□□□元關□啟導一乘之教覺路難登寂滅虛空
 真如綿邈窮冥莫測識智難量是知翫長空者必假以羽
 翰濟巨浪者須資於舟楫將欲以言觀法以法觀心窺解
 脫之門究□□□□是者即真□乎經夫其要也始則
 □以一音次則偈於四句變卷石為千峯之秀導勺水為
 萬流之源于是貝葉緹紉流行斯廣龍宮寶藏□□攸繁
 莫不指示迷方津梁□□使□□珠者必求罔象涉麗水
 者果獲祥金披文則萬象皆呈得意則一言以蔽能安是

者其維釋門之達士哉即今經藏主隱公是其人也公生
 于鎮州靈壽縣俗姓裴氏法名志隱出家于奉恩寺受戒
 于光化初幼無童心長有佛性名山勝境靡不經遊先止
 于咀嶺山光化寺修行二十餘載剃度三十餘人遠邇傾
 依縉俗瞻仰是院先有主者僧順公本貫定州深澤縣人
 也俗姓李氏法名智順出家於本州開元寺受業於法華
 院後因巡禮遂至山門與先院主僧道言相繼住持六十
 餘載剃度二十餘人條崇院寺□德佛事並已周圓漢陽
 化召得施主李彥章等特建鐘樓經藏雖斤斧丹青煥乎
 畢備而經文典誥咸且闕諸遂乃堅請主持假其緣化既

分覽二

俗覽卷第十三

岱陽下

八

果克山房

從請託遂果歲時莫不募修信心資乎敏手堅比移山之
 志勤同覆瓿之功僅越十年始就前願凡寫藏內經律論
 及聖賢傳記等共五千四百八十卷並新紙墨咸得精詳
 永用緘藏是圖悠久今院主僧行□供養主僧行感典座
 僧行隱並禪林擢秀□水澄波護戒珠而如握靈蛇傳祖
 印而非關墮鵠三千世界不染六塵八萬法門皆歸一念
 身居五濁蓮花生于淤泥心燃百燈太陽入于闍室佳持
 □境炳煥釋宗況方嶽之中岱宗為首地臨齊魯境壓淮
 沂玉几金牀宛留勝跡天門日觀下瞰長空爰屬盛明即
 期封禪方今千年啟運四境無塵緇徒雖蔭于法門野老

分覽二

岱覽卷第十三

岱陽下

九

果克山房

咸知其帝力府○太師相公勳高社稷○列山河下車而
比戶咸蘇出令而連營盡肅論兵玉帳謀深起翦之流禮
士金臺價重鄒枚之選故得時康俗阜氣淑年和成此莊
嚴○風教遂釋子歸依之願契如來付屬之言得不備
以良因記之貞石元休功虧力學敏謝生知幸見託于斯
○實懷○於染翰○揚功德迴述銘云浩浩浮生茫茫曠
劫惡積禍胎福生善業覺路難尋愛河易涉瞻彼波瀾○
○舟楫爰昔大士百億化身戒珠不顯○鏡○塵演茲妙
法○蒸民門闢覺路指示迷津妙旨幽深微言祕奧寶
寶靈源茫茫元造孰究真宗孰探法寶欲究欲探必資經
誥猗歟經典列聖徽猷一音○百○斯流雕金鏤玉具
葉緹綉將來佛性捨此何求偉哉達士成此至功○乎寶
藏宛若龍宮生雖有岸法本無○天長地久永播真風○
大晉天福八年歲次癸卯五月戊寅朔十五日壬辰建
興邦佐命忠亮功臣泰寧軍節度充沂密等州觀察處置
等使檢校太師同中書門下平章事使持節都督兗州諸
軍事行兗州刺史武威郡開國公食邑○戶食實封三
百戶○審信節度行軍司馬銀青光祿大夫檢校戶部
尚書兼御史大夫輕車都尉田文進節度副使金紫光祿
大夫檢校尚書左僕射兼御史大夫上柱國冀從實節度

分覽二

岱覽卷第十三

岱陽下

十

果克山房

判官朝議郎檢校尚書金部郎中兼侍御史賜紫金魚袋
王琯觀察判官將仕郎檢校尚書職方員外郎兼侍御史
賜紫金魚袋劉彥融節度掌書記將仕郎試大理司直兼
侍御史賜緋魚袋申光遜觀察支使將仕郎試大理評事
兼監察御史朱谿節度推官將仕郎試大理評事李光○
觀察推官將仕郎試祕書省校書郎閻嘉節度巡官儒林
郎試大理評事兼監察御史李○登仕郎前守太子通
事舍人守錄事參軍張○將仕郎守戶曹參軍于用意將
仕郎守法曹參軍李汎文林郎試大理評事守乾封縣令
張○修職郎守乾封縣主簿賈全翼前泰寧軍節度副使
光祿大夫檢校司空兼御史大夫上柱國安定縣開國子
食邑五百戶席全威○院主僧行仙師翁元起置院和尚
法號從幽俗姓刁氏藏經功德主僧志隱先師本貫鎮州
靈壽縣人本州奉恩寺主僧道恭藏經周備刊石標題同
學行○等二十餘人前攝翼邱縣主簿張○都料作
頭白景男知信知遠○右真書額全題在冥福寺天王殿
東偏南向碑連額高九尺二寸廣三尺二寸額字徑二寸
文二十九行行七十餘字字徑六分此為寫藏經數千卷
立碑列官勳業可見佉佛之盛官名亦足備攷席以前節
度副使列主簿後又前攝主簿列僧人後白是爾時風氣

碑陰更有題名悉漫漶金石文跋尾云周元休撰文駢麗可誦在五代時足稱作者其以覆簣爲覆匱與虞伯施孔子廟堂碑同碑末列銜者十餘人安審信者金全之從子也五代史不爲立傳又未附見於金全傳惟晉本紀天福八年泰寧軍節度使安審信捕蝗於中都卽立碑之年也唐本紀清泰三年先鋒指搆使安審信叛降於石敬瑭通鑑亦云張敬達奏西北先鋒馬軍都指揮使安審信叛奔晉陽此與邦佐命功臣之號所由賜歟五代之際名爵允濫藩鎮加公師宰相銜者多矣史家不能悉載王溥會要載晉出帝朝使相二十八人審信居其一此碑署銜云同分覽二

岱覽卷第十三

岱陽下

十一

果克山房

中書門下平章事正與會要合其稱檢校太師則他書所未言也

晉安社刻經幢。右真書在冥福寺殿西文多缺上截存社人一百三十三名無年號可稽以與前後經幢相類並識於此

佛頂尊勝陀羅尼經幢。右幢高八尺八寸四石直接每石八面闊一尺一寸四分字各九行行十三字字徑寸真書類柳誠懸經文從第一石南面起至第四石東南面止頂高六尺所座高四尺與寫經碑對峙緣無年代姓名姑附五季之末

僞齊崇法院公據碑文曰縣戶案據崇法院主僧海巖狀於去年二月內有羣賊李僅等入縣浩蕩了本院坊郭岱岳保兩戶方田文賬并宣降勅牒出公據尋行勘會并召保去後召到保劉皓公弼并取到鄰人等姜寶張珉翟慶狀供本院浩蕩了本院坊田文賬等文字下項須至指揮有蓋印一。一坊郭地三段。第一段東至姜三郎李子園西至岳廟東至街北至張中舍。第二段西斜對市近北街東面東北至下二郎北至下二郎南至官口西至街。第三段東至酒務界牆南至街西至漆河北至大街。一岱岳保。第一段東至沙河東北角至韓五郎西南南分覽二

岱覽卷第十三

岱陽下

十二

果克山房

至成家。第二段東至張八郎西至張七郎南至道北至雍家。第三段西至古道南至翟官人北至王官人東自至。第四段寨城東菜園一座約二畝半大并路南拐子地約一畝大東至翟家南至道西至成家北至南宮地。三段有印一。一宣降勅牒。一後唐長興四年九月廿三日有趙樞密使檢校太傅平章事駙馬都尉及范樞密使檢校太傅平章事等押付到特賜田產物業勅牒一道。一祖師實相大師住持勅宣牒一道。一童行看掌御書閣勅牒一道。右給公據付崇法禪院收執照會准此。阜昌二年二月初一日給。月日上鈐蓋印一印文曰奉符

縣印·文林郎簽書判官廳公事兼縣事劉缺修職郎主簿專一管勾勸農事高丞信郎縣尉專一管勾勸農事張夬·院主僧海巖住持賜紫僧寶口踵繼撥賜受業僧海環僧紹臻僧惠寬。右刻後唐冥福院地土牒碑下層真書三十一行字徑五六七分不等縣戶案三字最大文內左讀者二十六行長短不齊印識者三處印徑一寸五分

金魯兩先生祠碑文曰魯兩先生祠記·党懷英撰并書篆額衛同大定修蘇廟碑文畧曰魯兩先生曰孫明復石守道氏宋祥符天聖間以仁義忠孝之道發於文章為諸

分覽二

岱覽卷第十三

岱陽下

三

果克山房

儒倡當世大儒如文忠歐陽公文正王公皆尊禮之故其沒也歐陽公為誌其墓蓋比之孟軻韓愈之流其羽翼聖道立朝行已治行始終偉如也初兩先生築室泰山下以為學館屬大闢獄祠壻基甫迫乃北徙山麓而以舊館為柏林地歲分施錢為養士之費學者至今賴之而鄉人指以為上書院者則其所徙地也大定間獄祠火越明年有詔營建乃命更新廟學已而諸生相與言曰昔兩先生宣學汶上汶學祀之不衰吾儕居其鄉食其德乃可遂已乎於是兩先生諸孫聞其言更出所有作為祠堂於大門之左以成學者之意石先生之孫震使其姪翊走京師屬其

門壻党懷英書其本末將刻諸石懷英曰兩先生之道垂於後世炳如日星奚患無傳雖然有一言焉方孫先生以春秋之學教於魯石先生蓋師事之時給事孔公道輔聞其名自宛來謁孫先生既出應客而石先生執杖屢侍其左右升降拜伏皆扶之其往謝也亦然繇是魯人始識師弟子之禮士風為之一變近世士尚剽竊以從師親友為耻忠厚之道不著久矣國家尊經養士將使人人為鄒魯固當師承鴻碩因文以入道德之奧而後遊兩先生祠下而食其餘庇可以無媿矣·大定二十三年歲在癸卯十月之吉。右隸書勒祠中祠廢碑亦佚泰山金石攷云邑

分覽二

岱覽卷第十三

岱陽下

直

果克山房

人金枝仲家藏舊揭有碑陰並可珍玩補塑釋迦佛舊像斷碑。右碑僅存上截連額高四尺廣二尺四寸額篆新補塑釋迦佛舊像記九字字徑三寸分三行文十七行行存二十三四字字徑寸八分書舊勒冥福寺今移嵌縣署土地祠西壁猶存字二百七十有三有党懷英銜名及泰和六年四月十四日為立碑年月尚可辨也

道士谷山詩刻文曰道士谷山春日登覽·淡蕩春風暖喧和曉日遲褰裳登詰屈絕頂慨幽奇北海洪濤闊南山大澤危東峯青鳥下西嶺白雲垂眼界空濛極煙光縹緲

隨精神何灑落道德自扶持髣髴丹霄外參差碧漢涯
須采芝術直赴上仙期。泰和丁卯中秋後刊。長春子
書。右刻在故長春觀今移縣治高七尺六寸廣三尺四
寸詩六行行二十字字徑三寸許真書

元長春觀碑文曰長春觀記。壽陽路大中書丹篆額。
陽高政刊。竊以教非道不立人非教不修凡以道為宗
以神為教者豈徒然哉蓋有以也莫不剖抉摯極沈照
昏躋人於長生之域嗚呼世或有聞而未悟者然聞而悟
者是旦暮一遇之幸也近代幸我師祖設教七真開天性
相近習相遠而上智下愚咸使知之道與貌天與形男修
分覽二

岱覽卷第十三

岱陽下

五

果克山房

女學悉為證矣全真之道杳然難言哉其教也微妙元通
廣大悉備在人賢者識其大不賢者識其小大抵絕貪去
欲返樸還淳屈己從人懋功崇德則為遊藩之漸若乃遊
心於淡合氣於漠不以是非好惡內傷其生可以探其堂
奧矣嘗以修學論之性性相拘惑之以為異達之道通
為一所以壯棟宇嚴像設利物接人者有之致虛極守靜
篤順。者。學。今。學。先。覺。後。覺。以。其。蛻。形。之。泮
男簪仙果去者比比其人而女冠轡神人易遷者亦不滅
壙城所載神道設教。真。人。七。真。之。一。也。道
充德。用。無。方。門。徒。越。中。分。魯。唯。圓。明。之。師。偏。得。圓。明

分覽二

岱覽卷第十三

岱陽下

六

果克山房

之上足有妙真大師警守慎族氏出金鄉乃女冠耆宿度
門弟子甚眾大朝癸未秋閏長春國師應詔迴故誠懇道
迎數舍自爾置觀住於燕每得親炙師度省心元訓師敬
承特旨歲丙申有鎮撫王友省差傳父奉先行臺公命許
此令妙真住持況岱宗乃神仙之府奉高實仁義之邦
以。使。張。郁。宜。差。阿。里。兒。及。州。之。諸。官。其。為。功。德。外。護
遂自興焉與居為之使。腫。軼。掌。十。餘。指。時。趙。守。淵。主。觀
事王守志。一。唱。一。和。積。累。修。緝。寒。暑。餓。渴。極。其
作務歲月既久始成倫敘前有殿以祀聖真後有堂以振
禮誦左有寮以酬接待右有室以供庖廚沈沈洞洞輪奐
一新足以肅晨昏燈上祝聖壽無疆下薦士民之福不
其臆歟是觀自經始至落成前後凡二十餘年豈其妙真
維持有。亦。惟。趙。守。淵。王。守。志。輔。翼。之。勤。也。強。國。大。荒。落
之上春余自梁父迴過忘年蕭然子於東華承介。以。文
碑之余自愧螭之才弗克當拒轍之任請。者。也。彼。囁。之。愈。切。弗。獲。已。則。曰。妙。真。修。學。無。閒。然。矣。儻。來
不為得儻去不為失不悅生不惡死沖而用之厥心不震
則天地晦冥而朗日自照散雪交集而陽春自舒此得性
之功也動與陽同波靜與陰同德履無夢覺無憂慮而待
也其生乃全聽之於心沖氣以為和息之以踵谷神而自

分覽二

岱覽卷第十三

岱陽下

主

果克山房

紀元至立碑之年始紀元爲中統之二年也泰山金石攷云長春觀舊有邱神仙牒及成吉思皇帝勅旨碑金石文字記有元丁亥年碑今俱佚邱神仙卽邱處機成吉思當作青吉斯元太祖尊號也丁亥則至元二十四年矣聖旨焚燬諸路偽道藏經碑。右碑爲唐方楊文郁王構趙與栗李謙閣復李濤李磐王磐九人奉勅撰粘合瑋正書八合元篆額至元二十二年五月勒其福殿前西偏南向案粘合瑋當爲鈕祜祿瑋八合元當爲巴哈圖冥福院鐘題識。右大德九年眞書陽文有皇帝萬歲太子千秋等字在冥福寺

分覽二

岱覽卷第十三

岱陽下

主

果克山房

張志純遺世頌刻文曰宣授東嶽提點監修官張君壽塋九十六歲四月廿五日降誕八月十二日昇霞乃作遺世頌曰脫下娘生皮袋此際樂然輕快百尺竿頭進步蓬元洞府去來去來前世宿德醫僧今作道門小才山野拙頌版上奉高賢者。保貞大師會眞宮提舉王若禎敬立二石大元延祐四年二月二十九日郡人張貞書 萬歷甲午秋會眞宮災刻無所附余因楊道士請移置關帝廟壁云乙巳夏郡人吳希孔識。右石縱廣尺四寸橫二尺一寸頌款共十四行行八字字徑寸許並眞書明吳希孔題字二行差小在關帝廟大門右壁開北向然碑云王若禎敬立二石當必更有一石今佚矣明建魯兩先生祠碑文曰魯兩先生者爲宋太山先生孫公明復徂來先生石公守道也祠始建於今泰安州治之西而鄰於嶽廟金源時遂爲廟併元改建於嶽麓已而復爲浮屠氏據入國朝乃附祠於州學而規制狹隘祀事簡率無以慰魯人之思至是州守前進士德清胡君瑄言於巡撫山東左副都御史無錫盛公公謂其事係於風化慨然奏請於朝事下禮部議從之仍俾有司每歲仲春祀以羊一豕一秋爲常典於是胡公復請於藩臬諸公擇地得於州治之東南以成化十三年八月建祠焉工未畢盛公